

Wan Storian wetem Isabela abaot ol kavenan



Isabela i blong Alajuela,
Costa Rica. Mifala i askem
hem sam kwestin abaot
wanem i minim blong kipim
ol kavenan blong baptaes.



Talem long mifala abaot yuhan.

Mi gat 13 yia. Mi laekem blong plei futbol, kuk, somap, swim mo givim seves long ol nara man. Drim blong mi i blong kam wan dokta blong animol from mi laekem blong helpem ol animol. Fevret kaekae blong mi hem i spaketi mo pitsa, mo fevret kala blong mi hem i pepol.



?Olsem wanem nao yu kipim ol kavenan baptaes blong yu?

Mi sakem sin mo tekem sakramen evri wik. Mi gat wan koling long Yang Woman klas blong mi mo mi traem blong series wetem. Mi kipim ol kavenan blong mi tu taem mi stap givim seves long ol nara man.



OL PIKA DRONG OLI KAM LONG VIVIAN MINIEKER

?Wanem nao yu mekem blong givim seves long ol nara man?

Mi laekem blong helpem famli blong mi. Oltaem mi plei wetem Lina, kasen blong mi we hem i gat tri yia, taem papa mo mama blong hem i stap wok. Mi laekem blong helpem ol bubu blong mi taem tufala i nidim mi. Mi helpem klasmet blong mi tu blong stadi Franis eksam long skul.



Talem long mifala moa abaot koling blong yu.

Mi mi fas kaonsela long Yang Woman klas blong mi. Ol diuti blong mi i tekem tu wok blong givhan long ol yang woman. Hemia i minim blong stap helpem olgeta wetem wanem nid oli gat. Mi go long klas mo ol aktiviti, mo mi traem blong kam wan fren long ol nara gel we oli no stap long klas blong mi.



Wanem advaes yu save givim long wan we i fastaem blong hem blong gat koling?

Mi save talem long olgeta se oli no mas fraet. Wan koling i wan wei we yu save help wetem wok blong Papa long Heven. !Bes wei blong helpem ol narawan i tru long eksampol blong yu! ●